



石研齋集卷三

江都 秦 贊 西 壩

書王季重先生廬山遊記後

九十九盤煙雨寒秋風無棹入揚瀾亂雲回首東西
寺夜夜香爐入夢看

山澤應教氣脈通峯峯石石水涵空

記云無山不峯無峯不石無石不泉所謂

山澤通氣者矣

畫師合是王摩詰萬仞匡廬一紙中

七夕感懷用庾肩吾奉使江州七夕詩韻

人間偏作客天上又逢秋綵縷誰施巧星河不渡舟
半牀留月帳一笛墮江流幽夢驚回處蟾光滿柁樓
練中丞故墅次羅念庵先生韻

遺址相尋到水濱柳陰密密鳥聲頻東山舊引爲同
室明月曾邀作比鄰墅舊在東山下中丞有東山待月歌四字血痕成信讞
一門魂餒剩孤身不知破塚歸何姓誰爲江頭問主
人羅詩有破塚有山歸別主遠孫無食寄貧鄰之句

將至吉水偶成

樹外青峯峯外雲雲容峯色兩難分生香不斷松花
密斜日盤空鳥語紛山象似仁原合德水形如吉儼
成文仁山吉水皆以象形故名南園無記南溪老底處蒼苔掩秘芬
韓侂胄築南園屬楊文節作記文節曰官可棄記不可作遂老於吉水之南溪

江西道中用張祜韻二首

晨曦催短策夕月照征衣疊以晦明嬾感茲來去機

半黃梧葉老再綠稻花稀水鳥背人立天空意倦飛
亂岫剷難平雙江遠抱城暑過三伏久秋未一分生
星野連吳域鄉謠盡楚聲天南不千里風景已全更
拜文信國墓二首

一敗空坑勢不收子房無計雪韓讐定甘白血噴柴
市遇害時頸中白膏直噴數尺那許黃冠辱楚囚破碎河山餘正氣英

靈風雨護荒邱青原萬丈當山曉忍上西江第一樓
邑有山曉樓信國手書西江第一樓五字

末路君臣嶺海偏孤忠懍烈史臣編心傷楚國無三
戶腸斷燕雲又四年真覺科名光異代底須骨肉定
同天公弟名璧以城降爲美官公英魂合傍崖山住留峙穹

碑落日邊

謝文節祠即次文節北行留別和游古意韻二

首

那爲芳名照汗青丹心慷慨自行行乞師誰許包胥
哭絕粒幾同孤竹清垂老獲酬臣子願闔門原視丸
生輕遺賢不薦終難活假手天教大節明

白頭親在許誰知閩海飄零計未非冀北堅持蘇武
節天南早釋老萊衣一堂私謚尊綿蕝廿載空山長

蕨薇

卒後門人私謚文節二十四年門人
虞舜田方築室買田祠於弋陽之東

今日弋陽祠祀肅遙

從江上仰斜暉

西江苦熱

西江四序苦不全炎帝盡奪少皞權烈曜張空仲秋
天毒煙籠日赤電鞭輿人僵渴足不前疲馬喘汗口
流涎申利酉怨語多愆默坐熟揣知其然絕壁插天
山亘綿彌望百里無人煙蒸嵐積霧相鬱延澄颺顛
氣難回旋又况簷楹尺咫連隘如甕口深如淵熏灼
何殊釜鬻煎蘊隆之氣鬱莫宣憶昨逢秋秋令妍清
風曾與我周旋胡爲一至吉與虔流金鑠火苦無邊
白晝難覓甘寢緣清夜不入無眼禪披衣起視月娟
娟追涼夜走荒山巔冥心兀坐幾日篋好棹梅花國
外船

鬱孤臺次東坡先生韻

鬱然孤峙處臺迥俯層游南北遙分嶺東西近合流
江城章貢字山閣賀蘭秋老石盤奔澗斜陽落渡洲
有心皆繫闕無賦漫登樓自昔崎嶇地從來鎖鑰州
衝塵重阜去立雪寸心留杖履親承久何緣買釣舟

聞贛州師不
日告養歸里

曉登東山用韓昌黎山石詩韻

高秋當門暑氣微馳曜突出殘霧飛凌曉東山翠欲
滴連雲隴稻綠且肥緣澗循磴百折上蒼黃萬狀行
人稀蕭蘿倒垂薜荔古猿猱渴溜黽黽飢山椒偪仄
講堂嵌前賢過化開巖扉肅肅清風生戶牖俯矚下
土蠻煙霏聶都一水雙城抱芙蓉峭削四合圍摩挲

壁碣拜栗主

上有道源書院祀周程
夫子以三文成公配享

苔皮觸手雲侵衣坡陀

南折尚有路足力不繼苦拘鞵蘭若一椽亘天末隱
隱扶筇僧獨歸

王文成祠次漁洋山人詩韻

從容將畧本經師橫浦江邊峙古祠素以勲名爲末
節獨從心性闡良知上遊力挽千鈞重匝月潛消萬
乘危生死逢迎恩浹髓開先不藉紀功碑

過軍民縉素宸濠之平
勒紀功碑於開先寺

文成乞骸後行
至南安道卒所

大庾嶺

衡山南去何橫潰五嶺東來紛結隊梅關獨據海咽
喉諸嶠還爲嶺肩背漣溪山下名漢臺橫浦關前立

秦塞

秦名塞上漢名臺嶺水經注之連溪山皆此嶺也

百甌控馭扼天襟一線攀援

通地肺北走山程力已疲南瞻嶺表神先憤秋入孤
鞭曉氣澄路踰兩堠山光礙曲盤珠蟻九迴腸直壁
煙螺雙鎖黛怪石如睡或如蹲亂峯相向還相背際
海層巖望欲迷躋巔五里約其概雲封寺裏鉢依稀
錫卓泉中光細碎接趾千人走戶庭摩肩百估趨闐
闐輿僮直上力有餘僮僕餘勇賈可再羣謂茲嶺本
平夷轉笑世人徒褫襪吁嗟不究昔日功輕率但論
目前態巨靈仙掌擘名山愚叟精誠通帝載苦心泣
疏定廟謨獨闢荒榛永遺愛樓船第逞戰伐功陸賈
徒以口舌速一辦香留文獻祠千秋路說開元代思

艱圖易仰前賢疑古信今悲大塊低身下拜思蒼茫
回首半山雲變隼

謁張文獻祠

在庾嶺雲峯寺

丞相祠堂何處尋

杜句

白雲封嶺水鳴琴開元風度關

興廢江左文章冠古今

開元以前江之南未有以科名文章顯者說見邱瓊山曲江文集序

獨闢

庾關通地利難平蜀道挽天心劒門無復酬金鑑長
史魂歸涕淚深

宿大庾嶺中驛用宋之問題大庾嶺北驛詩韻

白雲忽飛灑空庭往復回雲從衣上去雷向枕邊來
下界霧方重層旻秋已開恒燕五千里誰寄一枝梅
登雄州城樓次壁間董推官韻

百粵門庭據上游，煙開南北豁羈愁。天連峻嶺窺三楚，地聳孤城冠十州。信美風光寧問土，逢秋眼界快登樓。凌江館外蒲帆急，獨有漁歌唱未休。

飛來寺次景學士福同年韻

空山老寺枕江水，江上蒼屏擘面起。碧玉爲帶石爲衣，胚胎結自何年始。漢泉千尺峽中飛，傑閣半弓雲際倚。閣上泉聲亂曉昏，驚雷噴雪堆文綺。垂眸江外渺扁舟，隱隱風帆入急流。仄徑蟠虬倒薜荔，絕巔靈鷲圍松楸。慨想蕭梁遺跡杳，講經臺畔空遲留。歸猿洞口不得上，恍忽猿聲山盡頭。

題董觀察芝龕記三首

重圍救父孤城守，萬里勤王數世勲。養賊中原成一慟，誓師空剩女將軍。

九蕊蓮花面面圓，飄然同到閩風巔。信知入道無成格，一點丹臺証上仙。

南朝無地不唐衢，燕子風流逞盡無。一曲微詞抒大義，人間唯有董江都。

平原道中遇雨

彌望川原往復還，層陰不散鎖羈顏。一年秋爽多逢雨，千里郊行未見山。絲繡有緣經趙邑，歌聲何處繞梁間。孤城日暮西風緊，爭送溪流下碧灣。

雨後書事

野色秋容霽後清無端流盼總關情籬疎馴犬窺人
過雨足疲驢代犢耕傍水漁家晴曬網近城村舍晚
炊秔香風十里雲千頃喜見豐年萬象盈

齊河早發

涼露高秋迥凌晨振策東水流新漲碧日抱遠山紅
匹馬嘶官柳羣鴉散曉風鵲華峯色好咫尺澹煙中

八月十四日感懷二截

豆棚雨過微微月夜合花開冉冉香千里詩成歸一

識天涯離恨那能忘丙子是夕作
夜合花詩

青天碧海太無情每到秋窗夢不成憶得那宵丹桂
下盲風冷露坐孤檠

送陳甥先疇旋里

崢嶸歲暮無端至料峭春寒忽漫歸豈是長安居不
易如何小草志相違霜林夢醒朝暉冷野店更闌酒
力微祇為倚閭人佇望鄉心早逐曉雲飛

浮生四十驚心過遠道三千送子歸客鬢已衰堪幾
別離情初慰又相違十年通籍邀

清問行在復命蒙天語垂
及云壬申至今已十年矣兩度逢秋入紫微冷宦只今

仍故我歌驪心共海鷗飛

春日同王光祿鳴盛查儀部虞昌徐比部以震顧舍

人雲集家學士大士邸中分韻得咸字

餘寒料峭霜風嚴花鬚未拆柳眼絨九十春光已過

半梁燕不聞語喃喃何期新歡聯舊侶十日春盤一
放饒樽前酒盡意不盡乘酣拈韻相鐫劖一十五年
長短夢離悰別緒如風縵珍重京華只六人戊辰京師同譜十六
人今存其六銀缸畫燭照春衫虎頭三絕歲寒友雙管爲我
圖松杉華省新詩飛玉屑雲樓舊句淨秋巖江東文
度家淮海齊奏玉管和英咸嗟予跛足隨逸駿十年
猶署條冰銜且喜相逢人意愜嗜好不復殊酸醎說
詩往往造閩奧論世各各無譏讒得失奚必辨臧穀
存亡漫爾感荆凡人生離合那有定往事一瞋走驚
帆後之視今猶視昔繪圖拂拭裝琅函
程舍人沆爲予誦友人年過四十風情減人到

三春舊夢多之句悵然有觸爰廣其意率成

二律

存一

袞袞韶光四十過一年春思又消磨酒因病斷歡情
少夢爲鄉遙別感多覓得安心原有藥持來定水本
無波尋花漫笑司勳晚惆悵芳時發浩歌

春雨

好是知時雨濛濛潤碧叢萬家春樹外一夜小樓中
有響檐初滴無痕夢已通煙波江上渺孤棹思何窮

陶郎中

其懷

同年招集得樹軒看海棠

重焚傑閣晝氣沈簾外川紅羅碧陰雪綻霞鋪好顏
色嫣然一笑橫春心主人得屋兼得樹儼宅不惜捐

多金開軒邀盡霓裳侶花光酒色搖虛襟今年逢閏
節序晚清和首夏如春深六曲闌干隔雲母金波穆
穆琴悵悵天涯有幾閒日月人海無此好園林詩成
滿瀉龍頭酒莫以甘飲易苦吟

題游貞女傳後二首

貞女夫亡後父母禁不使知一日因蝴蝶飛集掌上感侘得實即往莫墓誓死

不歸養舅姑以終身

未結生前髮空盟沒後恩無情蝴蝶夢有恨杜鵑魂
晝燭憑風幌貞心誓墓門香閨淒絕處哀怨與誰論
絕裾無反顧倉卒謁翁姑不負黃泉侶能令白髮娛
蘭心幽露冷湘淚血痕枯苦節多同調貞魂應不孤

傳未附游氏諸節婦

壬午闈中即事次蔣編修士銓同年韻六首

黶隸晴雲麗曉光百官端笏肅長廊龍樓捧出丹書

重鳳綉披陳彩筆颺星使遠啣千里命副主試補亭少司馬歸自熱河侍

臣齊束隔宵裝天衢人海雕輪接文治真教士氣昌

盍簪館閣豔清華鵷鷺相排盡省衙雙鏡重來懸玉

尺三年彈指迅羲車兩座主即庚辰主試鄴侯丰度原仙骨永叔

文章信大家今日雲窩叨末座擬從牛斗泛星槎

王綸鄭重口銜來清夜臣心捫幾回天上月華欣普

照人間珊網又宏開好看玉斧修蟾窟共仰台衡接

斗魁獨有風簷辛苦地十年前事漫低徊

寥泐秋空雁影排珂鳴玉佩喜相偕雲衢已許聽鈞

樂鑠院猶承賜聘牌一徑苔花重指點半簾風日足
清佳最憐舊壘新投後隔歲泥痕尚可揩辛巳春聞
曾住此屋
魚鱗比屋暮朝俱澹蕩心期世慮無酒病已嚴歡伯
戒食單却稱冷官廚聯吟永日愁能破剪燭中宵興
不孤深宇重門清闕界就中應是小方壺
老眼無花列炬懸虛堂遙集大羅仙繡衣盡入霓裳
譜水鑑都從絳帳傳分校中多庚辰
北闈中式者宦籍十年邀
帝眷秋風兩度傍奎躔底期又與掄才任試院茶鐺
活火煎

題秋山夜月圖二首

霜天橫遠景巖壑抱秋心月色澄如水林光燦若金

夢回孤閣迥砧急半山陰誰是幽棲者脩然塵外襟
曲曲溪流淺層層翠嶂浮遙汀過陣雁孤嶼倚虛舟
秋氣靜中攝吟情象外幽此間訪安道興盡也勾留
圖爲戴
氏作

杪秋家學士

大士

邸中賞菊限插字

黃花如故人相賞最欣狎吾兄澹蕩襟位置別有法
金英上下排銀鐙左右夾細碎點遙星繁叢開鏡匣
層層冷豔鋪一一秋心插但覺斗室寬渾忘浮世狹
把杯互傾倒人歡花意洽迴視琉璃屏燦若鑠子甲
幽香逼坐隅冷光動簾押今夕真何夕九十秋所乏
采采憺忘歸寒更和露壓

沈存周錫斗歌戴儀部 文燈 席間賦

主人一飲盡一石主人愛酒兼愛客銀缸畫燭照秋
宵觥船羽瓊羅綺席就中酒具拔其尤錫斗製者沈
存周龍山赤液昆明屑光如玉盃精如鏐平其足方
其口腹鑄春酒介眉壽背列飲中八仙歌一首歛識
康熙戊戌春已是摩挲四十餘年久吾聞嘉興技藝
佳張銅黃錫朱銀槎流傳近今不多得覩茲舊物興
愈賒金叵羅銀鑿落東坡一葉杯劉氏三雅爵古人
假物足歡娛往往尊前互斟酌况乃主人持巨觴座
隅麴生胡可忘滿飲不分大小户何妨醕酌一醉同
入無功鄉

戴儀部 文燈 齋中分賦紙窗限窗字

剪就雲藍紙糊來玉女窗深深圍竹屋睽睽閃銀缸
月冷和霜照心清共影雙梅花一夜夢詩思滿滄江

題姜孝廉 恭壽 遺照 手拈梅花一枝

一枝何所贈獨立竟無言奇氣孔文舉冥搜鄺道元
三春同毘毘 戊辰下第歸後不復相見 十載異輪轅嶺上年年放幽
香不返魂

送王別駕 步曾 任衢州兼東令兄編修 紹曾 儀

部 顯曾 疊韻四首

丞相曾孫甲第高新裁繡錦試宮袍胡威笥篋無餘
絹王傅衣緡有贈刀他日緋魚褒上考今朝竹馬看

兒曹崢嶸嶺外雲霄麗六翮霜天振羽毛
宮錦行家花樣高青衫羞換鬱輪袍廿年燈火悲金
線四顧躊躇善寶刀持節仙班歸洱海趨朝樺燭自
儀曹相看庭並三珠樹都是人間五色毛

江上春潮浪影高江邊春草妬青袍隔年曲翳敷甘
雨歲晚歸心折大刀擬歸省保定來春赴任捲雪亭空飛羽琰爛柯

山翠隱仙曹遙知半刺風流况花月岩扉拂塵毛
幾載因依玉樹高油幢東去悵同袍憐君每欲傾筐
履愧我難居贈錯刀有礙方輪艱世路無心疾走鬪
朋曹一尊別酒離情滿明日霜添兩鬢毛

長至後二日招錢宮庶載紀侍御復亨蔣編修

士銓戴儀部文燈集飲齋中分體得七古

誰能讀書破萬卷誰能廣厦庇羣彥誰能牀頭儲千
缸三者兼之日歡讌僕也平生酒戶低撐腸拄腹渺
難擅興到每將家釀傾狂來還喜文字戰冷日嚴風
薄暮寒瓦溝釦砌留殘霰蝟毛瑟縮老馬僵枯樹杈
枒凍雀顫有約嘉賓次第來炙燭深堂寒色變一幅
桐布簾深垂半鑪熨炭火微煽甘飲中間易苦吟手
提不律口呵硯觸來語穿共心兵陋說旬鍛與月鍊
鬪韻闖題記去年九九寒期互歎眷驚塵不返又三
冬亞歲已過添兩線一鞭閩海望歸鴻謂澗泉三載羊城
遲去燕謂晴溪子房已爽圯上期堯夫更就行窩戀是日邀蔣田松

石研齋集卷三
三
坪不逼座飛觥共五人飲興詩情兩不倦寒光耿耿掛
素輪暮色稜稜墮霜片珍重今宵燈燭光前者難追
後足羨析析更聲莫厭催詩成猶自相騰繕

石研齋集卷三終

孫男嶠全校

石研齋集卷四

江都 秦 黌 西壩

錢宮庶載同年齋中分體得五律

盤飧都旨蓄燈火坐團圞文字飲如此崢嶸歲又闌
狂餘詩眼細愁破酒懷寬同得醉中趣相逢盡古歡

送家學士大士告養歸里兼簡令嗣編修承恩

人鏡聲華重花磚地望崇春心歸寸草秋水憺孤蓬
爲補廣微什寧因張翰風一波鷗夢穩好與白雲東
風骨原王鑑詞臣更小坡粧臺須覓句里第想鳴珂
桃葉春波漲鍾山晚翠多文章終報國且莫戀雲蘿

題紀侍御復亨同年滌硯圖

松滋計旬朔管城論朝夕唯此石鄉侯足供終身役
舊染涅不緇新浴潤而澤所以金石交不厭水泉滌
懿我紀少瑜鏤管光瑤席柳綿潑松煙揮灑無停刻
五寸紫琳腴一日三拂拭當年伴玉堂草制本無敵
今茲白簡霜鐵面益稱職呼童濯清流電光飛咫尺
蒸雨翻九淵割雲鍊五色筆花與墨花一一供驅策
晶彩漾澄波金星照寒壁佇聽硯有聲超陟應在即
題王蔗村外舅鏡中照即次自題原韻

明鏡本無心鑒空形自肖寫形入鏡中心鏡互相照
此身天地間百年同一覺但呈光明相不分前後貌
白詩前形與後貌相去三十年晉公耿靈臺丹青何足道鏡壞我不滅乃

奉東坡教法鎿付何人聊復拈花笑

手中拈花一枝

題張編修坦同年荷淨納涼圖

藕花艷艷葉田田一波萬頃風泠然六曲闌干千尺
閣追涼小座塵懷蠲遠芬幽露領清意襟抱都超萬
象先波心倒映霞光麗夏木排空水鏡圓此景依稀
紅橋邊衣香人語晚風天憐予掉臂入人海六年不
汲家山泉湖光山色隔遠夢披圖頓覺客慮牽分我
一座秋水漣詩成嘯傲凌蒼煙

蔣編修

士銓

招集分賦金陵古蹟得後湖

時編修假歸有卜居

金陵之意

雞籠山後鍾阜前汪汪後湖水拍天朱方王氣踞江

表黑龍壓雲三百年周遭七十有六頃滌滉一望光
 耿耿戰艦銷殘寶馬塵春濤照盡江城影十字河開
 立斗門老蛟跳擲靈鼈奔歲久堙廢復疏濬勝代圖
 籍此留存劫灰歷盡菱花老真龍徙去波聲小盲風
 藻荇啜游魚斜日菰蒲掠飛鳥聞君卜築蔣山隅安
 穩歸舟入畫圖六代煙花渺何處山容水色青糝糊
 誅茅豈必宋玉宅放生不乞知章湖暢得平生底
 語嗚呼馮謚何其愚

馮謚慕賀監鏡湖之賜謂人曰但望賜後湖亦暢得平生

四月九日飲邵侍讀嗣宗同年紫藤花下錢宮

庶為圖題其後

長安首夏風日嘉一旬開遍蒼藤花玲瓏百尺好間

架晴窗瓔珞垂輕紗憶昔前月二十六丁香花下張
 華燭轉側相看態有餘為倩庶子圖巨幅今朝月破
 纔初九招向繁花載卮酒右提不律左提壺一朶鉤
 成飲一斗花花寫照留芳春月月花開作主人把酒
 酬花花不語香風冉冉清心神

齟石山房宴集

曲檻花開後風亭月上時飲酣驅暑散話久忘歸遲
 錦臂幾人夢歡場半局碁胷中無一事盡日任清癡

贈葯上人二首

廿年方外友聚散感無常乍見情如夢相看鬢已蒼
 貧能新梵宇老不減詩狂布地黃金盡飄然又異鄉

石印齊集卷四
三
育禪不受縛俗諦總歸真秋水澄吟思荒城結淨因

時卜寓城南前身名下士今世再來人何日清涼去空山住

幾句將有五臺之行

述交行李學士中簡前輩席間賦限雨字

結交契以神不關散與聚徒爾鹿豕親羣居亦何補

憶我十年前歸覲滯鄉土君時偶南遊一見通肺腑

畫舫鏡清流春風入談塵平山五字詩意態何媚嫵

匆匆問南屏贈詩有秋水問南屏之句離懷未傾吐京華往復還音塵

隔高矩君去向滇中我歸自大庾短翼歎差池高樓

感風雨別緒萬里長素書雙魚剖滇中曾惠手訊兩載又長安

電光飛急弩會承折簡招秋杪振涼宇華屋麗層軒

喬柯拂修廡秩秩典籍城馥馥蘭蕙圃逼座飛羽觥

開筵半簪組別有支遁林戒律歸初祖謂葯上人主人寬禮

數意趣自仰俯謂此豁詩腸何須分酒戶公久羈壇

坵羣才誇繡虎而我跛牂匹敢與神驥伍獨念人海

中良會豈易覩一碧暮光清半鈎新月午感茲離合

情緬惟交道古下列敢浮沈不才空莽鹵聊以述舊

歡雷門一布鼓

送王蔗村外舅守宣州

相門世德甲神京首善龔黃久著聲課最

御屏書鄭重前任兩卓卓薦呼名道左

語分明每於途次迎鑿邀銅符十載歸裝儉畫戟重開

坐嘯清竹馬兒童原見慣風流端愛繼宣城
 江城如畫絕塵埃平楚蒼然萬象開百里齊雲山合
 沓雙溪夾鏡水滌洄驚人妙墨元暉句對酒酣歌太
 白杯此去吟情千載上圍棋賭勝豈云才
 一載京華水鏡披吟鐙酒琰忘歸遲詞源倒注消寒
 後去冬有消寒吟三十首醉草刪成潑墨時手錄舊稿裝潢成帙故笏百年留邸
 第新猷千里望旌麾看雲縱是鄉關路莫漫尊羹鱸
 鱸思

燕九詞九首

鐙市初收憶隔宵鳳城寒盡重春朝咬春幾日瞻三
 素十四立春時有祥雲傍碧霄

薰天節下黃金縷卜繭宵來粉米齊走過橋頭摸過
 鑊匆匆九日又城西人日謂薰天節元夕卜繭十六日走橋消百病摸門鑊宜男皆載燕京景物畧
 鼎中龍虎已飛埃松下龜蛇幾劫灰銀鹿不來瓊鶴
 杳白雲猶自戀城隈白雲觀舊名長春宮在西便門外一里
 卓錫嶗山冠七真邱真人為嶗山七真之冠匆匆淪謫八旬身南池竭
 後歸何處真人返真前三日觀前南池岸崩真人曰吾其與之俱乎五百年來感舊因
 祈靈共走元君廟四月八日俗傳神降碧霞元君廟傾城婦女乞靈祈子乞巧還登九引
 臺見元掖庭記不話長春宮裏事宴邱節近踏歌來燕九節或曰晏邱節
 汗漫知誰道氣濃三生石上寄浮蹤觀中是日有羽士高立石上持鉢化錢眼
 中白骨無人嘆徐甲何曾周史逢
 車走雷聲逐軟紅喧闐盡日白雲中歸來誇向癡兒

女親見靈旗降紫宮

九還七返究誰曾辟穀仙家已下乘不見華陽陶處士經樓空鎖一層層

笑我浮生有宿緣生辰欣共蕊珠仙誰人識得邱通密邱真人名處機號通密立馬斜陽意渺然

題白雲觀三首

十八人從大漠馳金臺留得北宗師真人傳王重真之派謂之北宗同高弟十八人乃蠻一詔琳宮峙辛苦當年扎八兒元太祖自乃蠻遣近侍扎八兒手詔

至燕京真人駐觀中後化焉

六曲闌干十二城璚文藻笈秘三清雪山萬里無多語不祝長生祝好生真人見太祖于雪山首以天道好生為對又曰有衛生之經無長生之藥

瑤房無地覓金丹太極宮成已六盤真人歸真後數月太祖亦卒于六盤山怪底艱難開創日萬幾偏暇禮黃冠

鎖闈對月次崔中丞應階韻

台星森畫戟朗月燦銀河一碧無纖翳孤光有靜波香生鈴閣細秋入庾樓多醉墨憑揮灑臨風起浩歌闈中述懷仍用前韻

有情惟碧月照我又秋河五載離仙窟雙丸歎逝波諸生魯國舊名士濟南多過眼空迷色應憐玉局歌

躡突泉次戴編修第元韻

我從庚辰一聽躡突泉五載不忘王屋之飛仙茲泉奇絕世未有天瓢倒瀉地肺翻乙酉星軺重到此驚

波未見聲先聞迤邐三竇逕南北鬱怒一噴無後先
古傳仙翁此駐節惜我未拍洪崖肩方池澄水開鏡
面屏以鵲華浮嵐煙一竇勢猛兩遞殺陽侯次第靈
鼇鞭繁星亂湧冰雹濺喧騰晝夜自何年此中定有
百靈護謂爲人力殊不然恍如軒轅洞庭張樂筵鐘
鏞轟軻雜冰絃又如龍堂貝闕羅高會八珍五劑齊
烹煎謂此岱陰脉伏眠恨不窮源直上岱之巔徘徊
東巖西巖間仰窮日觀俯驪淵卧聽翻珠跳沫浮苔
錢

同戴編修泛大明湖

七十二泉互吞吐滙作一湖位元武山若屏風城若

釜千頃明鏡照樓櫓招邀攜手到扁舟風伯戢威秋
日午芙蓉老去縱魚游蘆荻花多迷蟹戶一幅素景
共澄鮮萬疊溪光相媚嫵鵲華橋下幾留連北極宮
前一仰俯就中亭子歷下古當門

宸翰光藝圃詩人李邕與杜甫千年片碣此撐拄叻
叻不似食苹聲雄者不于雌伏廡亭旁養雌雄二鹿莫因鹿夢
幻有無但指鴻飛憐散聚爲問明湖我舊遊別後塵
顏老幾許詩情棖觸豈偶然回首煙波空碧宇

德水曉發即事東戴編修

于役已六旬秋窗清夢斷整裝勵晨征杖策臨溪岸
波洗埃壒清喧聞鳥雀散初日上遙山紅雲捧未半

石磽齋集卷四
七
濃霜透體寒曉風吹鬢亂茲行歷幾程塵鞅蚤心憚
何更結遠想相與期汗漫堂上白髮親久矣離昏且
眇眇即修衢遙心謝霄漢歸與著萊衣同君博一粲

答編修再疊前韻

老眼我生花心折神機斷披揀劃西東常愧先登岸
所幸針芥合不似雨風散對宇列紅缸輝輝驚夜半
時聞鶴唳高凌厲柝聲亂精微搜溟滓益友真足憚
砥礪一月餘茲緣信非漫行行返王程徒侶復戒旦
仰視落月斜疎星點河漢何來雅頌音渺彼南山粲

三疊前韻却贈

山鷄偶矢音膠膠響易斷忽逢香象渡森然立高岸

藹若春雲空燦若綺霞散珠玉咳唾生隨風落天半
愧我無律師對壘步伐亂堅城敢撼搖小邦殊震憚
瞳人碧一雙秋水剪浩漫操尺較黍豪入籠符月旦
大筆何淋漓包孕周秦漢區區作賦手登樓小王粲

次韻答李孝廉

道南見贈

志士勵清操堅若孤城守貧富適然耳豈曰天所授
一裘三十年百結何足詬讀破萬卷書眼中無滲漏
掉臂走京師倔強還如舊棲鶻振霜飛華鯨掉波吼
排雲叫天閭孤情邈宇宙

十月十五日友人集飲寓齋次韻

杯影遙分月影團爲傾家釀破宵寒酒懷更較去年

減詩句莫歌來日難慵向殘枰翻敗局還憑醉墨整
吟壇冷光一片斜侵戶撥盡鑪灰興未闌

憶梅二首

菊花開盡又殘年猛憶孤根暖獨先灞水詩成驢背
冷空山夢醒鶴聲圓憑誰坐徹昏黃月笑我慵參解
脫禪一夜相思猶未足朝裁鳳紙寫寒煙

嶺雲一別六七年此日嶺梅花後先遙憶枝南與枝
北開從月缺逾月圓冷泉千折細鳴澗清磬數聲幽
破禪驛使江干何日到渺予離思隔霜煙

庚嶺之巔有雲封寺虎跑泉

雪霽登四望樓遠眺

天公一日花剪盡天河水已鋪萬頃銀還散千林綺

新晴朔氣嚴寒日高樓倚北闕何崢嶸西山自迤邐
皚皚淨無痕瑩瑩光莫礙亂峯堆若綿迴嶂疊如紙
濕煙澹若無寒雲頽不起陣鴉驚素輝獨鶴媚幽趾
豈惟豁遠眸亦足悟生理百卉回潛陽一枝綻冷蕊
誰爲焦先廬緬想東郭履何當跨驢去踏遍空山裏

背面美人二首

未結浮生半面緣傾城一笑許誰憐秋千院在雕牆
內鸚鵡籠懸綺檻邊欲倩菱花供返照恨無澄水寫
空妍玉樓低並真如削不敢相偎尺六肩

是含羞怨是含嗔轉側偷猜見未真月殿暗窺三拜
影星橋遙送七香塵耳根玉琢微拖鬢腰袂珠垂穩

稱身誰與輕輕呼小字賺他迴得臉波春

丙戌闈中呈尹相國用聚奎堂壁間韻

中台朗處彩雲深共道文昌此式臨耆德簡承榮璧
府新詩傳誦感儒林懸來冰鑑晨光澈網盡珊瑚海
色沈四十年餘宣雅化得人爲國是初心

次相國韻四首

報國文章出世家彩毫飛動墨光斜好看一月春風
滿栽徧瓊林五色花

揮灑雲煙萬象新謫仙才信是前身吳江道上詩翁

敗此詣如公有幾人

錢香樹司寇與公唱和曾寄一紙云詩翁某敗於吳江道上

蕊榜開時屆壽期

四月八日公初度

奎垣深處頌維祺可知文

杏宜簪日正是仙桃報熟時

東南化雨入人深回首江干事未沈

十年前謁公于邗江舟次

幾日蓬

壺叨一座相依足慰十年心

和新建裘少農師恭接進呈卷詩二首

網得珊瑚海底深欣逢旭日旦初臨未開蕊榜誇文
苑早徹榮光自禁林韞玉定知輝莫掩爨桐忍令響
終沈

火燒五十卷內中式二名

違顏咫尺

天威在

原唱有翹首天威咫尺臨之句

鑒此憐才一片心

卷軸平生醞釀深求魚網密羨淵臨搜羅已竭文章
藪酬唱還成著作林

闈中詩可成集

爭羨新裁多絢爛可堪敗

羽盡銷沈漫言花落東風怨

趙夙北分校有有客東風怨落花之句

得失從

來有寸心

呈仁和陸少宰 宗楷

風簾晝靜畫堂深一代宗工此賁臨科第中朝推虎
榜朝中甲科無前乎公者文章廿載重鷄林大學中有琉球等國諸生肄業琴材拂拭音
尤雅火燒卷中式二名皆公一人手定翬羽翻飛力自沈揀得精金沙尚
在空明總不設成心

題李掌科友棠前輩賞番圖

胡牀高踞繡衣尊賞遍生番與熟番貓女仙郎齊拜
舞都都爭獻小黃門
紅毛樓外洋更準白玉山前海吼遲三十二區五十
澳一時齊唱賞番詩

呈德少宰保即次按試通州見贈元韻二首

文昌高曜使星并蓋代騷壇賴主盟馬鄭經師崇德
望郊祁門第重科名與今兄觀補亭總憲同或進士收之夾袋常叨呂坐
我春風一似程癸未禮闈叨侍一月今日羊公鈴閣迥相思無限
寄吟情

佳辰樂事信難并何幸詩盟又酒盟玉署詞臣爭問
字

御屏佳句久書名試看朗鑑無纖翳共仰冰衡有定
程相士歐陽真好士歡生畿輔協儒情

丁亥二月二十五日 皇新莊請

訓紀恩恭賦二首

仙仗皇州淑氣催萬靈呵護

一人來行廬靜擁鵷班肅春殿晴分雉尾開三接康

侯遲晝漏

先後召見方制府等漏下已酉正矣

首趨禁闥倚宮槐

請訓四

首共立禁內槐陰下候

旨 牽帷纔許

天顏近早播温綸到不才

異數平生荷

至尊微臣感激實難論八年七拜文衡

命

自己卯迄丙戌三主試四與分校

半載重膺

簡畀恩

丙戌六月十五日引見坐糧廳

幾向龍墀親

御座每邀鳳綉及蓬門

每召見必有居住揚州新城舊城之間

葵忱端藉丹青

照清夜寧忘手自捫

春望

芳意偏難愜羈心况久淹春因年閏淺詩爲病慵拈
鶯舌歌猶澀蜂鬚絮未粘慊慊恰三月絲鬢鏡中添

旅店行

奔雲四散日脚斜旅人到店抵到家敬牀垢几強位
置一夕甘寢如搏沙凌晨掉臂出門去棄之不顧赴
壑蛇來何匆匆去草草千里百里飛鴻爪坐席未煖
地已移故物不遇速我老吁嗟乎人生何處非逆旅
天地吾廬今視古百年誰客又誰主

漁溝

青青小麥浪平疇澹日東風宿雨收鄉近不嫌村路

石研齋集卷四
遠驂驂車已過漁溝

石研齋集卷四終

孫男獻全校

石研齋集卷五

到家二首

江都 秦 黌 西壩

十載未言歸歸心無日無久與鄉人別翻覺鄉音殊
路逢舊朋侶記憶多模糊昔時尚孩幼鬢髮今有鬚
昔時壯年別白首驚老夫益知青鏡中今吾非故吾
入門拜寡嫂慰言離別久女兄同室居相逢歡握手
交聲問老母起居平安否苦道長相思以次及某某
久濶語無倫乍見情難剖誰知天涯子早晚風塵走
三旬緩王程

天恩已高厚

時告假一月

北郭二首

肅拜松楸下蒼黃四顧時十年未歸客半百始衰兒
嗚咽情何極瞻依願已遲惟欣北堂健敬告九原知
橋東方掃墓巷北又招魂先大夫葬雨膏橋祖塋郭
恭人葬方家巷相距五里涕淚和
腸斷松雲帶雨昏百年空別恨坏土剩荒原何日方
同穴與君好細論

題程上舍塋垂釣圖

問君何所釣雀兒浴波蝦蟇叫問君何所垂芒針粒
餌空爾為韓子釣魚欲遠去玉局僂耳笑且悲人生
窮達有早暮盤鈎引線聊自娛何人貪坐柳陰下消
受三春還九夏半溪流水性冲融一桁遠山人蘊藉

世路何險釣磯平守默持竿鷗慮清勸君手倦時一
起恐有雙魚贈遠情

葺屋既成題壁誌別二首

老屋誅茅二百年相傳堂構幸依然比鄰莫若吾廬
久連棟空餘此宅偏向東兩宅為兩伯祖
所棄已屢易主矣生聚兩朝留手澤
荒蕪十載戀塵緣歸來一笑無他物檢取巾箱認舊
氈

敢與兒童項領誇雕甍複閣鬪妍華杜陵廣廈情難
遂潘岳閒居跡未賒蓬戶可無陰雨歎北堂堪為樹
萱遮却憐辛苦輸梁燕營得巢成又別家

祈晴定遠道中

農人日祝雨行人日祝晴天地大有憾兩者難稱情
顧我久于役茲地曾屢征憶昔初過此一歌泥塗行
重來持使節天雨如盆傾再歌苦雨歎至今心怦怦
茲焉行更滯日日喧雨聲癡雲垂四野積陰起層城
霖雨亦偶爾胡偏與我迎冥心訴真宰物貴得其平
匪我昧事理漫與農人爭沃野已含潤新水足深耕
而我遠行邁不敢羈官程敬向雨師告一掃雲翳清
好放陽烏出庶以答寸誠

題冶溪館壁贈方翼乾

三間書屋平樓小月磴風林帶幽草十二年前一載
居離鴻點雪泥印爪征車過此感重游主人一見喜

絕倒握手苦稱會面難送別郵亭憶已卯

十月歸自廣東曾邀遠迎

於定遠館驛

青袍見我舊門生少者已壯壯者老况予蹶躄

走風塵短髮刁騷雙鬢衰羨君矍鑠逾六旬紅鐙映
肉顏色好告我別後又生兒卓立諸孫頭角矯一樽
重叙千縷情良夜匆匆不覺曉相攜步屨過西園花
樹依然三徑遶軒庭寂寂久遲迴貪看青天度飛鳥
一鞭俄出冶溪灣回首溪雲自縹緲

正陽關喚渡

三千東下清淮水濶則萬丈狹數里夏來新漲洶無
邊夾岸村墟盤渦裏碧浪翻來百尺濤白屋捲盡三
重茅犬羊雞豕紛俱下黑蛟跳擲鼉鼉驕

黑物長丈餘舟前逆浪而上

石磧齋集卷五
三
我來問渡陽關口一葉扁舟波怒吼吞聲危坐悄無
言二十里行辰至酉爲問西去水連天似此十程居
八九憶昔開帆漢上征舍我陰伴登山程早知日日
驚湍惡何不江中緩棹行

上石橋阻雨

日暮雨勢急停策上石橋入門覆大釜烈火煮焦糟
撲鼻已心醉愧我非酒豪避之走鄰舍頽垣離棟橈
青天漏丈影白屋無重茅即次非所戀惡此將安逃
簷溜夜不斷猛雨連終朝所居半弓地積水如塘坳
蚓行緣坐席蝸涎滴幔綃旁宇屢傾塌喧雜凡幾遭
穴鼠長一尺見人意還驕四壁土盡濕坐此心怵怵

出門不數武洪水深沒腰山溜逶迤下百丈聽奔濤
向夕雨更注王程苦迢迢高飛渺鴻鵠一枝慚鷓鴣
縮地既無術漏天誰能膠久住已非策况乃屋不牢
安得九節杖冒雨隨王遙

食桃

五月桃初熟圓勻帶葉稠兒童供小摘筐筥得兼收
映日紅膚透含霜翠綬柔攜來香自破剖去液還流
甘足充枵腹清能潤渴喉華林方結夏露井早驚秋
雪莫先夫黍光真艷若榴豈因王母種不藉歲星偷
蘭谷芳疑近綏山願易酬蟠枝誇海上巨核憶仙洲
無俟瑤琚報應同瓜李投垂垂看滿樹一飽又何求

石研齋集卷五
雜詠八首

走馬匆匆類轉蓬一鞭西去憶天東紅燈碧酒聯今
雨白飯青芻沐古風蛟蝶不隨莊叟化魚龍偏愛偃
師工三旬未盡滄江趣鳥毳花鬚別夢中

老去襟期手一編興來終日聳吟肩有人筆妙驚鸚
鵡無處花開不杜鵑處士廬邊張酒戶讀書樓下倚
歌筵此情減自中年後直是追思便惘然

淮西百里接濠滁剩水殘山意有餘老木風潭亭午
後輕陰露磴早涼初千竿萬竿雲外竹一尺二尺溪
中魚消受江南好煙景幽懷偏愜野人居

大山山下好溪田風物農家夏倍妍遠近鳴琴流活

活低昂列蜀綠芊芊聯羣乳鴨穿秧過帶犢吳牛浸
水眠立馬高原幽意愜暮林深處起炊煙

雲根幽僻少征鞍鳥道縈紆歷萬盤下嶺翻思登嶺
易來人苦告去人難秀眉自逐風輪掃吼瀑何愁石
髓乾三里店前崖谷好一枝聊欲息風翰

豫楚平分一嶺橫商城界盡接麻城人依崖厂村村
小隴上山腰寸寸耕田鼓遠敲高下社秧歌互答短
長聲劇知礪戶居民樸繞屋峰多不識名

渺渺千層波復波故人天末憶如何蓬頭自顧真如
葆笑面還愁未似鞞豈有心生飄瓦怨只憐山欲幻
雲多黑虢不去鈎持戒敢向窗前引睡魔

嶺外風光塞外疆梯雲到此足相當懸峰直上層河
口仄磴高盤七里岡愚叟移山空悵望杜陵鏟嶂究
荒唐慣憑屐齒添吟興收拾詩篇付錦囊

黃鶴樓遠眺成四斷句

玉笛誰吹黃鵠磯江樓空繞白雲飛賺他日日人如
蟻坐向樓頭待鶴歸

翼際山前遠水渾珍禽千古戀吟魂即今芳草洲何
在空向江邊訪墓門

萬里岿岷此合并楚天一碧水雲平箇中却有溜澗
辨漢水何如江水清

潮帶江聲往復還峰連鄂渚有無間憑誰寫上鷺溪

絹水抱孤城城抱山

蒲圻道中

曲曲山包屋村村水到門稻花經雨潤芋葉趁風翻
萬个浮筠直千章老木尊清陰成小憩已足慰征魂

湘陰縣

濱水孤城小臨洲一望賒石橋連齒沒岸柳半腰遮
郢客舟通賈居人艇作家只餘官路迥百里接長沙

日夕

日夕趨前館風襟向晚征雲含殘雨暗星帶遠山明
汀鷺眠何穩林鳥繞復驚停鞭詢候吏短漏已三更
雨後

溪泉雨後漲高下亂流時寒氣四圍逼喧聲萬馬馳
倒傾疑地裂遠瀑仰天垂足破征人寂山行豈厭遲

涼思

思入秋期半涼侵夜幕頻珠缸迴淺照珍簟靜橫陳
猛憶羅含菊驚心張翰莼江湖空滿目何處問平津

訪秋

雲痕風破碧湖色水圍青賓雁信初到露蟬聲已停
蘆荒低被野潦靜遠迴汀不作悲秋客秋心自杳冥

秋日有感二首

存一

澤澤叢蘭襲素襟香風四遞耐幽尋層梯低引杉亭
小密樹高圍射圃深閒倚蟬林收夏果靜聽蛩砌作

秋吟端居惟向餘暉戀九曲腸回寸草心

福參戎席間述庫爾勒往事醉歌

花門支分默德那叩叩比獸大小和楚囚對泣鑠寃
魄此身已墮泥黎迦大慈度脫現金地小醜反噬逞
狂魔六師迴整貔貅旅一戰捷向鼯鼠窠伯比納隨
毀軍計屈瑕誘絞採樵多凶門誤入認烏幕大隧不
出填蛻窩雲梯飛虹下猛矢泥塹沒馬盤深渦參戎
時駐庫爾勒蟲沙風鶴相紛羅西距庫車七百里東
隔三百開都河蠟丸刻刻轉羽檄虎帳面面當嗟峨
冬明積雪斷飛雀夏鼓熱風警老駝魚無片鱗翻墨
浪橋橫百丈憑修柯鬼方豈待三年克有苗不覺七

旬俄白日一照掃妖霧黑水大潰驅疫癘防風骨節
稽顯戮蚩尤髑髏遭橫磨

聖無遺算

廟謨遠國有良士旅力番獸馴鳥伏二萬里風不折
木海不波德威久已踰西極聲教豈復阻南訛況今
緬首彈丸地敢爾膽大身么麼

王師撻伐信無敵行見前徒多倒戈參戎聞之氣彌
王我爲六詔歌凱歌有酒不飲當奈何十年往事如
拋梭

煙花

陰積連朝雨聲喧絕壑風天心零百草商氣蟄千蟲

鬢已秋添白顏寧老復紅煙花驚灼灼猶自艷孤叢

穆湖村

荒村浮水氣蔓草澹清暉暫寢魚龍寂長鳴雁鷺飛
秋糧無一粒煙戶未全歸尸位慚三月痾瘵願已違

岳陽樓次韻

岳陽古壯觀邱壑何曠渺層城薄雲根重樓插湖表
初來溽暑中再至深秋杪憑高眺洞庭湖大天地小
青草與赤沙一波相混擾上之極高空下之窮纖眇
氣象真萬千一一樓扉遶已非夏漲寬轉覺秋湖皎
翠螺十二峰孤秀天下少興至擬幽探塵懷愧鷗鳥
君山長笛來聲聲破清曉

濠溝早發限賒字

吟魂秋與洞庭賒孤枕驚回人語譁湘岫新霜黃橘
柚楚皋初日老蒹葭重湖遠度迷陽雁一樹叢喧散
早鴉消受曉風殘月路半年詩思托天涯

津市道中

朝旭平原朗清陰夾岫叢壑虛消夏漲地迴動秋風
柏葉黃仍綠蕎花白更紅香城城外路且喜慶年豐

九日集飲

未暇登山去今方渡水來一官空劔佩九日此樽罍
老母耳逾重驕兒心尚孩菊時偏不見笑口向誰開

今夕行

今夕乃何夕明月照瑤席有酒胡不歡俯仰已陳迹

一解酒醉作我病酒醒攪我愁有懷不能寐乘月上高

樓二解樓下弄急管樓上彈素琴琴心自惜惜天外驚

樓三解樓車如流水喧闐盈門雖有嘉客不如故人四解

水中之蟹屋上之烏一愛一怒新吾故吾五解寶劔出

匣鏗然有聲壯士感遇明日登程六解

車遥遥篇

車遥遥馬蕭蕭車行聲緩馬鳴聲高一解車遥遥泥滑

滑馬前車却載脂載牽二解瞻彼空谷采蘭不芳眇彼

流水敷澤不長三解出自陂池歷茲險巖征夫不于我

心則夷四解頽波東來白日西下立馬渡頭誰非勞者

五解芳茵繞轂依戀則那草心猶戀我如之何六解

登河湫山即平山一名武山

沅水迅東流平山峙其左細磴苔蘚封古寺松筠鑱
舍車我乃徒直上心力果傑閣嵌虛空遠波光澹沱
虛白已千年談者猶炙輠有井無崔漉梧葉秋風墮
不見洞中人白雲空朶朶

耆閣寺

耆閣寺古枕河湫昔在山巔今在麓橋支斷木水當
門徑帶蒼煙山繞屋遠塢平夷盪寸襟奇花窈窕豁
雙目指豎拳開佛手芬金衣玉液乳柑馥老衲苦言
創業艱飽經劫火此卜築四山落葉可代薪數畝荒

田僅果腹我謂此境非人間小坐已消塵十斛但願
睡起靜心猿不愁水涸失池驚交交鳥語破禪關簌
簌清風起空谷一鞭迅去渺煙蘿異日重來須信宿

一裘行爲龍貢士維祚作

一領羊裘餘百結云是廣文先子之故物廣文貧徹
骨賚志江干歿五丈夫子皆神驥拔其萃者君其四
少小浪跡五溪煙弱冠已驚頭角異一試列儒巾再
試貢成均揮毫觸熱起居注考試貢士之所落筆辟易幽燕人
幽燕歸來氣益豪不治生產家蕭條寒風力力聲怒
號掉臂却出武溪橋夕葵時負仲由米朝霜偏壓季
子貂有時酒酣耳熱後手按五木呼朋曹徒跣繞牀

忽大叫一擲百萬誰逋逃區區敝裘何所直志士不
復恥緼袍君不見鷓鴣裘相如就市易芳醪又不見
千金裘太白換酒枯腸澆杜老千厦各有志白傅萬
里誰能嘲紫綺光兮青鳳麗平生恩遇隨所遭天子
解衣賜青鼠古來晏子何足數

讀律

讀書不讀律致治固無術讀律不讀意微文終未悉
法象四時行管子刑爲五教弼求生非易得此情須可
質雖占雷電威豈貴茶脂密盡心多平反得情乃矜
恤陳臬惟時叙敢謂無多日時署臬印三尺權重輕五聲聽
得失杜預注令典盛吉持丹筆愧無前哲才三復殊

慄慄

題清化驛壁

行人倦日夕小坐倚巖櫳深障蔽新月短垣來遠風
馬嘶初夢斷蟬靜暮山空一覺披衣起浮生類轉蓬
途中苦雨

濕霧愁雲帶雨飛春陰料峭透層帷花風過半芳菲
少社鼓經旬燕雀稀盈澮急流聲活活衝泥羽騎走
駢駢土膏化作餽餬臭語本魏書污盡征衣客未歸

己丑除夕

崢嶸又見歲之除檢點年光此夕餘學殖退如過宋
鷓羈懷滯似上竿魚一杯碧釀娛親酒幾卷青箱課

小字一

手剪綵艷寒勒閏年春

陸遲兼夕

刻立春


南枝破夙晨乾坤浮一色遐邇

淨纖塵上相征蠻捷

經畧不日過楚

中丞撫楚新羽書看旁午

奔騎戒靈辰節鉞來窮徼郵亭走薦紳三年無煖席
一月得閒身且喜書城擁聊將享帚珍楸枰臨勁敵
蘭蕊結芳鄰門掩三三徑交疎六六鱗仲宣寧戀土
虞寄豈辭貧自顧頭顱老還知骨相屯歡場仍蹶躓
要路久逡巡不下岐途淚羞爲醜女顰冰壺朗似玉
虛室白如銀卯酒三杯煖辛盤七種勻飛霏當令節



缺 P11后击缺

石研齋集卷五終

孫男嶠全校

